

## Izvještaj o radu Uprave policije MUP-a Kantona Sarajevo za period januar – juni 2021.godine

### 1.KRIMINALITET

#### 1.1. STATISTIČKI POKAZATELJI

U periodu januar - juni 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 2.322 događaja sa obilježjem krivičnog djela (što je 187 ili 8,8% više u odnosu na period januar – juni 2020. godine).

Od ukupnog broja registrovanih događaja sa obilježjem krivičnog djela, 1.186 ili 51,1% je evidentirano po poznatom izvršiocu, a 1.136 ili 48,9% po nepoznatom izvršiocu.

Od ukupno 1.136 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 203 ili 17,9% (što je za 11,3% manje u odnosu na uporedni period).

U izvještajnom periodu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 1.519 obavijesti (290 više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U PERIODU JANUAR- JUNI 2021/20. GODINE

period	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>JANUAR -JUNI 2021. GODINE</b>	<b>2.322</b>	<b>1.186</b>	<b>1.136</b>	<b>203</b>	<b>142</b>	<b>1.288</b>	<b>35</b>	<b>735</b>	<b>455</b>
JANUAR -JUNI 2020. GODINE	2.135	947	1.188	347	181	1.154	22	677	461
<i>uporedba</i>	<i>187</i>	<i>239</i>	<i>-52</i>	<i>-144</i>	<i>-39</i>	<i>134</i>	<i>13</i>	<i>58</i>	<i>-6</i>
	<i>8,8%</i>	<i>25,2%</i>	<i>-4,4%</i>	<i>-41,5%</i>	<i>-21,5%</i>	<i>11,6%</i>	<i>59,1%</i>	<i>8,6%</i>	<i>-1,3%</i>

U prvih šest mjeseci ove godine prijavljeno je **1.288 lica** (134 više), **735 povratnika** (58 više) (ili 57,1% od ukupnog broja prijavljenih lica), 35 maloljetnika (13 više), a **455 lica je lišeno slobode** (šest manje).

Za događaje sa obilježjem krivičnog djela, koji su evidentirani u izvještajnom periodu, prema izjavama oštećenih lica, nastupila je **materijalna šteta** u ukupnom iznosu **od 3.381.386,86 KM i 13.300,00 €** (u periodu januar – juni prethodne godine, materijalna šteta iznosila je 4.924.715,31 KM i 7.600 €).

**TABELARNI PREGLED DOGAĐAJA SA OBILJEŽJEM KRIVIČNOG DJELA U PERIODU JANUAR - JUNI 2021/20. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	JANUAR - JUNI 2021. GODINE	JANUAR -JUNI 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtjenih događaja	
			+ / -	%			broj	%
Protiv ustavnog poretka Federacije	<b>1</b>	0	1	---	1	0	0	---
Protiv života i tijela	<b>115</b>	92	23	25%	107	8	2	25%
Protiv slobode i prava čovjeka i građanina	<b>115</b>	83	32	38,6%	110	5	5	100%
Protiv spolne slobode i morala	<b>12</b>	8	4	50%	12	0	0	---
Protiv braka, porodice i mladeži	<b>111</b>	114	-3	-2,6%	111	0	0	----
Protiv zdravlja ljudi	<b>203</b>	228	-25	-11%	203	0	0	---
Protiv privrede, poslovanja i sigurnosti platnog prometa	<b>5</b>	3	2	66,7%	5	0	0	---
Protiv imovine	<b>1.362</b>	1.307	55	4,2%	285	1.077	186	17,3%
Protiv okoliša, poljoprivrede i prirodnih dobara	<b>0</b>	3	-3	---	0	0	0	---
Protiv opće sigurnosti ljudi i imovine	<b>59</b>	48	11	22,9%	24	35	0	0%
Protiv sigurnosti javnog prometa	<b>47</b>	44	3	6,8%	47	0	0	---
Protiv pravosuđa	<b>16</b>	3	13	433,3%	14	2	4	200%
Protiv javnog reda i pravnog prometa	<b>191</b>	140	51	36,4%	183	8	5	62,5%
Protiv podmićivanja i krivična djela protiv službene i druge odgovorne funkcije	<b>61</b>	29	32	110,3%	60	1	1	100%
Protiv sistema elektronske obrade podataka	<b>3</b>	0	3	---	3	0	0	---
Protiv čovječnosti i vrijednosti zaštićenih međunarodnim pravom (KZ BiH)	<b>0</b>	1	-1	---	0	0	0	---
Zakon o nabavljanju, držanju i nošenju oružja i municije (Sl.novine Kantona Sarajevo br. 01/18)	<b>21</b>	32	-11	-34,4%	21	0	0	----
<b>UKUPNO</b>	<b>2.322</b>	2.135	187	8,8%	1.186	1.136	203	17,9%

U periodu januar - juni 2021. godine u odnosu na isti period prethodne godine, zabilježeno je povećanje broja registrovanih događaja sa obilježjem krivičnog djela za 187 ili 8,8%. Najznačajnije povećanje zabilježeno je u oblastima protiv imovine (za 55 događaja), javnog reda i pravnog prometa (za 51), slobode i prava čovjeka i građanina (za 32), „protiv podmićivanja“ (za 32), života i tijela (za 23 događaja), itd., dok je smanjenje evidentirano u oblastima protiv zdravlja ljudi (za 25 događaja), ZONDINOIM-a (za 11), braka, porodice i mladeži (za tri događaja), itd.

U prvom polugodištu 2021. godine za 726 službenih izvještaja, od strane Kantonalnog tužilaštva, donesena je naredba o obustavi i neprovođenju istrage (324 ili 80,6% više u odnosu na uporedni period).

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

U periodu januar - juni 2021. godine evidentirano je 115 događaja sa obilježjem krivičnog djela iz oblasti protiv života i tijela (23 više u odnosu na uporedni period) i to 107 po poznatom i osam po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - dva (jedan manje),
- ubistvo u pokušaju (član 166. KZ FBiH u vezi člana 28.) - 11 (dva više),
- ubistvo u podstrekavanju (član 166.KZFBiH u vezi člana 31.) - jedan (nije bilo ovih događaja),
- teška tjelesna ozljeda (član 172. KZ FBiH) - 39 (16 više),
- lahka tjelesna ozljeda (član 173. KZ FBiH) - 60 (šest više) i
- učestvovanje u tuči (član 174. KZ FBiH) - dva događaja (jedan više).

Nadležnom tužilaštvu podneseni su službeni izvještaji protiv 115 lica, od koji su 62 povratnika ili 53,9%, a 34 su lišena slobode.

#### PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 115 događaja sa obilježjem krivičnog djela (32 više) i to: ugrožavanje sigurnosti – 111, narušavanje nepovredivosti doma i protupravno lišenje slobode - po dva događaja, za čije je izvršenje evidentirano 113 lica, od kojih je 75 povratnika (ili 66,4%), a 22 su lišena slobode.

Događaji sa obilježjem krivičnog djela ugrožavanja sigurnosti evidentirani su na području sljedećih općina: Novi Grad - 31, Novo Sarajevo – 21, Centar – 14, Stari Grad - 13, Hadžići - devet, Ilidža – sedam, itd., u kojima su izvršiocu upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

#### PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirano je 111 događaja sa obilježjem krivičnog djela (tri manje) i to: nasilje u porodici - 101, trgovina ljudima – četiri, zapuštanje ili zlostavljanje djeteta ili maloljetnika – tri, izbjegavanje izdržavanja - dva i oduzimanje djeteta ili maloljetnika - jedan događaj za čije izvršenje je prijavljeno 113 lica, od kojih su 53 povratnika (ili 46,9%), a 65 lica je lišeno slobode.

#### PROTIV ZDRAVLJA LJUDI

Evidentirana su 203 događaja sa obilježjem krivičnog djela iz oblasti protiv zdravlja ljudi (25 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – 22,
- posjedovanje i omogućavanje uživanja opojnih droga (čl. 239. KZ FBiH) – 174,
- nepostupanje po zdravstvenim propisima za vrijeme epidemije (čl. 226. KZ FBiH) – sedam događaja.

Nadležnom tužilaštvu podneseni su službeni izvještaji protiv 199 lica, među kojima je 131 povratnik (ili 65,8%), a 84 lica su lišena slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv 23 lica zbog postojanja osnova sumnje da je u proteklom periodu u više navrata kupovali opojnu drogu "Marihuana", "Amfetamin", „Heroin“ od od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 169 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Extazy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U PERIODU JANUAR - JUNI 2021/20. GODINE

VRSTA OPOJNE DROGE	JANUAR - JUNI 2021. GODINE	JANUAR - JUNI 2020. GODINE
Marihuana (grama)	<b>1.370,56</b>	10.571,27
Marihuana (komada)	<b>79</b>	304
Heroin (komada)	<b>0</b>	25
Heroin (grama)	<b>101,048</b>	85,82

Amfetamin (komada)	<b>16</b>	66
Amfetamin (grama)	<b>1.933,33</b>	299,35
Kokain (grama)	<b>5</b>	5
Extazy (komada)	<b>87</b>	72
Speed (grama)	<b>9.108,809</b>	58,29
Cannabis – sjemenke (komada)	<b>1.346</b>	50
Cannabis - stabljika (komada)	<b>102</b>	155
pribor sa ostacima droge (komada)	<b>39</b>	23

#### 1.2.5. PROTIV IMOVINE

U ovom periodu, evidentirana su 1.362 događaja sa obilježjem krivičnog djela protiv imovine (285 po poznatom i 1.077 po nepoznatom izvršiocu) što je za 55 ili 4,2% više u odnosu na isti period prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 648 (dva manje),
- krađa (član 286. KZ FBiH) – 370 (36 više),
- razbojništvo (član 289. KZ FBiH) – 143 (20 manje),
- oštećenje tuđe stvari (član 293. KZ FBiH) – 101 (36 više),
- utaja (član 290. KZ FBiH) – 22 (četiri više),
- prijevarena (član 294. KZ FBiH) - 20 (sedam više),
- teška krađa u pokušaju (član 287. KZ FBiH u vezi člana 28.) – 19 (četiri manje), itd.

Nadležnom tužilaštvu podneseni su službeni izvještaji protiv 384 lica, od kojih je 276 povratnika (ili 71,9%), a 145 je lišeno slobode. Od ukupno 1.077 događaja evidentiranih po nepoznatom izvršiocu iz oblasti protiv imovine naknadno je rasvijetljeno 186 ili 17,3% što je za 11,7% manje u odnosu na uporedni period 2020. godine.

U prvom polugodištu ove godine, prema objektima izvršenja teških krađa, 256 je izvršeno u stambene objekte (četiri manje u odnosu na uporedni period), 161. u motorna vozila (otuđenja motornih vozila i “provale” u ista) (35 više), 137 u poslovne prostorije (30 manje), 46 na ulici (14 manje), itd. pri čemu je otuđivan novac, nakit, tehnička roba, motorna vozila, cigarete, prehrambeni proizvodi, građevinski materijal, itd.

Takođe, evidentirana su 64 otuđenja motornih vozila, od čega je 16 ili 25% pronađeno i vraćeno vlasnicima (Uprava policije MUP-a KS-a pronašla je i vratila – devet, MUP RS-a – tri, drugi MUP-ovi – dva i vlasnici su pronašli – dva vozila).

Broj otuđenih motornih vozila u odnosu na uporedni period povećan je za 23 ili 56,1%.

Evidentirano je 370 događaja sa obilježjem krivičnog djela krađe (36 više) i to: na ulici – 135, u poslovnim prostorima - 122 puta, u stambenim objektima - 61, vozilima i na stajalištima GRAS-a – 25, itd. odakle su otuđivani novčanici, mobiteli, prehrambeni proizvodi, bicikli, auto-dijelovi, itd.

Evidentirano je 39 događaja sa obilježjem krivičnog djela teških krađa na naročito opasan ili naročito drzak način (23 manje), u kojima su izvršioci, upotrebom fizičke snage (otimanjem i trganjem) - 35 puta i verbalnom prijetnjom u četiri slučaja, otimali mobitele, novac, nakit i tašne, a evidentirani su: 29 puta na ulici, pet na tramvajskim stajalištima, u prodavnicama – dva, itd.

Nadležnom tužilaštvu podneseni su službeni izvještaji protiv 16 lica, od kojih je 11 povratnika u činjenju krivičnih djela (ili 68,7%), a 11 je lišeno slobode.

U prvom polugodištu ove godine evidentirana su 143 događaja (20 ili 12,3% manje) sa obilježjem krivičnog djela razbojništva (21 po poznatom i 122 po nepoznatom izvršiocu).

Nadležnom tužilaštvu podneseni su službeni izvještaji protiv 54 lica, od kojih je 40 povratnika (ili 74,1%), a 32 lica su lišena slobode. Od ukupno 122 događaja razbojništva evidentiranih po nepoznatom izvršiocu, naknadno je rasvijetljeno 45 ili 36,9% (što je za 9,2% manje u odnosu na uporedni period).

Razbojništva su izvršena prijetnjom upotrebe vatrenog oružja - 65 puta, prijetnjom upotrebe noža ili drugog oštrog predmeta – 45 i upotrebom fizičke snage – 33 puta, a počinjena su u poslovnim prostorijama – 63 puta, na ulici – 35, na benzinskim pumpama – 20, u sportskim kladionicama – 11, u apotekama – osam, itd. Otuđivan je novac, mobiteli, nakit, cigarete, itd.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 59 događaja (11 više) i to: - izazivanje opće opasnosti – 49, nesavjesno čuvanje pasa i drugih opasnih životinja – šest, izazivanje opće opasnosti u pokušaju – dva, teška krivična djela protiv opće sigurnosti ljudi i imovine i nepropisno i nepravilno izvođenje građevinskih radova – po jedan događaj. Nadležnom tužilaštvu podneseni službeni izvještaji protiv 23 lica, od kojih je 12 povratnika (ili 52,2%), a 14 je lišeno slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru 44 puta, u stambenim objektima – tri i u poslovnim objektima - dva, pri čemu je 27 puta otvorenim plamenom izazvan požar, u 11 slučajeva aktivirana nepoznata eksplozivna naprava, u deset slučajeva pucano je iz vatrenog oružja i u jednom slučaju pronađena je nepoznata eksplozivna naprava u ugostiteljskom objektu. Posljedica navedenih događaja je nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je 191 događaj sa obilježjem krivičnog djela (51 više) i to: krivotvorenje isprave – 126<sup>1</sup>, nasilničko ponašanje – 26, napad na službenu osobu u vršenju poslova sigurnosti – 21, nedozvoljeno držanje oružja ili eksplozivnih materija – osam, skidanje službenog pečata ili znaka – četiri događaja, itd.

Nadležnom tužilaštvu podneseni su službeni izvještaji protiv 198 lica od kojih je 67 povratnika (ili 33,8%), a 34 su lišena slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U periodu januar-juni 2021. godine evidentirano je 45 događaja sa obilježjem krivičnog djela, u kojima je učestvovalo 35 maloljetnih lica. U odnosu na isti period 2020. godine povećan je broj događaja sa obilježjem krivičnog djela za devet ili 25%, kao i broj maloljetnih lica za 13 ili 59,1%. Prijavljeni maloljetnici su u dobi do 16 godina – 17, od 16 do 18 godina – 18, a 12 je povratnika.

#### STAROSNA DOB MALOLJETNIH LICA JANUAR - JUNI 2021/2020. GODINA

PERIOD	do 16 godina	od 16 do 18 god.	ukupno
<b>januar - juni 2021. godina</b>	<b>17</b>	<b>18</b>	<b>35</b>
januar - juni 2020. godina	9	13	22

#### STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U PERIODU JANUAR - JUNI 2021/2020. GODINE

Događaji sa obilježjem krivičnog djela	januar-juni 2021.	januar-juni 2020.
Izazivanje narodnosne, rasne i vjerske mržnje, razdora ili netrpeljivosti	1	---
Ubistvo u pokušaju	---	1

Ubistvo sa saučiniteljstvom	1	---
Teška tjelesna povreda	4	---
Lahka tjelesna povreda	5	1
Učestvovanje u tuči	---	1
Ugrožavanje sigurnosti	2	1
Spolni odnošaj s djetetom	1	1
Nasilje u porodici	1	---
Nepostupanje po zdravstvenim propisima za vrijeme epidemije	1	---
Neovlašćena proizvodnja i stavljanje u promet opojnih droga	1	---
Posjedov. i omoguć. uživanja opoj. droga	5	4
Krađa	2	2
Teška krađa	2	2
Teška krađa-pokušaj	1	---
Teška krađa na naroč. opasan ili naročito drzak način	---	9
Razbojništvo	6	8
Razbojništvo u pokušaju	1	1
Oštećenje tuđe stvari	2	
Lažno prijavljivanje	---	1
Teška krivična djela protiv sigurnosti javnog prometa u vezi ugrožavanja javnog prometa	1	---
Neukazivanje pomoći osobi ozlijeđenoj u prometnoj nezgodi	1	---
Napad na službenu osobu u vršenju poslova sigurnosti	1	1
Nasilničko ponašanje	4	2
74. ZONDINOIM	2	1
ukupno	45	36

#### OSTALA PROTIVPRAVNA I ASOCIJALNA PONAŠANJA

#### AKTIVIRANJE MINSKO-EKSPLOZIVNIH SREDSTAVA

U toku perioda januar - juni 2021. godine na području Kantona Sarajevo evidentirano je osam događaja aktiviranja minsko-eksplozivnih sredstava (dva više u odnosu na isti period 2020. godine) usljed čega je nastupila smrt jednog lica i materijalna šteta. Preduzimaju se aktivnosti na rasvjetljavanju događaja i pronalaženju učinilaca.

Evidentirane su dvije anonimne dojave o postavljenoj eksplozivnoj napravi (osam manje u odnosu na periodu januar - juni 2020. godine), a odnosile su se na Kantonalni, Općinski sud. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih događaja i pronalaženju učinioaca.

#### POŽARI

U periodu januar -juni 2021. godine, na području Kantona Sarajevo registrovana su 116 požara (38 više), u kojima su dva lica poginula.

Prema statističkim pokazateljima, 38 požara je izazvano namjerno, 20 zbog tehničkih nedostataka, devet nehatom, dok uzroci 49 požara spadaju u kategoriju ostalih.

Požari su registrovani su:

- Saobraćajnim sredstvima - 28 puta,
- Stambenim objektima - 24,
- Poslovnim prostorima - osam,
- Šumi - šest,
- Pomoćnim objektima - četiri,
- Proizvodnom objektu - jednom,
- Magacinu - jednom,
- Ostalim objektima - 44 puta.

Zbog izazivanja požara nadležnom tužilaštvu podnesena su 33 službena izvještaja: 27 iz člana 323 KZ FBiH (izazivanje opće opasnosti) i šest iz člana 301. KZ FBiH (paljevina).

#### SAMOUBISTVA

Tokom prvog polugodišta 2021. godine na području Kantona Sarajevo registrovano je 20 samoubistava (šest više), koja su izvršena: vješanjem - devet puta, upotrebom vatrenog oružja - pet puta, skakanjem sa visine - pet puta i aktiviranjem eksplozivne naprave – jednom.

Samoubistva su izvršena na području općina: Novi Grad - šest, Centar - tri, Novo Sarajevo - tri, Stari Grad, Ilidža, Vogošća i Ilijaš - po dva samoubistva.

Izvršiocu su: 18 osoba muškog i dvije osobe ženskog spola.

Muškarci su starosne dobi: preko 60 godina - osam lica, od 25 do 30 godina - pet, od 30 do 40 i od 40 do 50 godina - po dva lica i od 50 do 60 godina - jedno lice. Žene su starosne dobi: od 40 do 50 godina i preko 70 godina - po jedno lice.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je 40 pištolja, deset pušaka, 60 ručnih bombi, 127 noževa, 24 eksplozivne naprave, 865 komada municije raznog kalibra, itd.

U periodu januar - juni ove godine fizičkim licima izdata su 792 odobrenja za nabavku vatrenog oružja i 774 oružna lista.

#### JAVNI RED I MIR

U periodu januar - juni 2021. godine u oblasti protiv javnog reda i mira evidentirano je 6.989 prekršaja (1.570 ili 29% više u odnosu na isti period 2020. godine), a za izvršenje navedenih prekršaja prijavljeno je 7.077 lica (1.577 ili 28,7% više).

Zbog učinjenih prekršaja u oblasti protiv javnog reda i mira izdato je 6.713 naloga i podneseno je 276 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 6.812 prekršaja (ili 97,5%), a na prekršaje koji su utvrđeni Odlukom općinskih vijeća o javnom redu i miru 177 (ili 2,5%).

Od ukupnog broja prijavljenih lica, 521 je povratnik u činjenju prekršaja, a prema starosnoj strukturi učinilaca prekršaja, najbrojniji su u dobi između 26 i 35 godina (2.814), preko 36 godina (2.353), između 19 i 25 godina (1.899) i do 18 godina - 11 učinilaca.

Prilikom narušavanja javnog reda i mira u periodu januar – juni 2021. godine, nije bilo teže povrijeđenih lica (kao u istom periodu 2020. godine), dok je 29 lica (četiri manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA PERIOD JANUAR – JUNI 2021/2020.GODINE

STRUKTURA PREKRŠAJA	Broj prekršaja		uporedba + - %
	januar-juni 2021.	januar-juni 2020.	
Tuče	<b>126</b>	132	-6 ili 4,5%
Naročito drsko ponašanje	<b>195</b>	246	-51 ili 20,7%
Odbijanje naređenja i omal. pol. sl.	<b>876</b>	1.608	-732 ili 45,5%
Svađa, vika, nepristojno ponašanje	<b>80</b>	56	+24 ili 42,8%
Uživanje opojne droge na j. mjestu	<b>137</b>	21	+116 ili 552,4%

Neovlaštena upotreba oružja	<b>5</b>	1	+4 ili 400%
Paljenje petardi	<b>2</b>	4	-2 ili 50%
Prosjačenje	<b>626</b>	607	+19 ili 3,1%
Ostali prekršaji iz Zakona o JRiM	<b>4.765</b>	2.470	+2.295 ili 92,9%
Prekršaji prema odluci općin. vijeća	<b>177</b>	274	-97 ili 35,4%
UKUPNO	<b>6.989</b>	5.419	+1.570 ili 29%

Tokom perioda januar - juni 2021. godine, u odnosu na period januar - juni 2020. godine, prema strukturi prekršaja povećan je broj sljedećih prekršaja:

- ostali prekršaji iz Zakona o JRiM za 2.295 ili 92,9%,
- uživanje opojne droge na javnom mjestu za 116 ili 552,4%,
- svađa, vika, nepristojno ponašanje za 24 ili 42,8%,
- prosjačenje za 19 ili 3,1%,
- neovlaštena upotreba oružja za četiri ili 400%;

dok je smanjen broj sljedećih prekršaja:

- odbijanje naređenja i omalovažavanje policijskih službenika za 732 ili 45,5%,
- prekršaji koji su regulisani Odlukom općinskih vijeća za 97 ili 35,4%,
- naročito drsko ponašanje za 51 ili 20,7%,
- tuče za šest ili 4,5% i
- paljenje petardi za dva ili 50%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (6.852 ili 98% od ukupnog broja), a znatno manje u ugostiteljskim objektima - 27, u trgovinskim i zanatskim radnjama – osam, sportskim stadionima i dvoranama – tri, dok je na ostalim mjestima evidentirano 99 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA PERIOD  
JANUAR – JUNI 2021/2020. GODINE

MJESTO IZVRŠENJA	JANUAR-JUNI 2021.	JANUAR-JUNI 2020.	+-%
Ulice i drugi otvoreni prostori	<b>6.852</b>	5.193	+1.659 ili 31,9%
Ugostiteljski objekti	<b>27</b>	91	-64 ili 70,3%
Sportski stadioni i dvorane	<b>3</b>	1	+2
Vozila javnog saobraćaja	---	3	-3
Škole (školska dvorišta)	---	9	-9
Trgovinske i zanatske radnje	<b>8</b>	7	+1 ili 14,3%
Ostala mjesta	<b>99</b>	115	-16 ili 13,9%
UKUPNO	<b>6.989</b>	5.419	+1.570 ili 29%

U odnosu na isti period 2020. godine, povećan je broj prekršaja evidentiranih na ulici i drugim otvorenim prostorima, na sportskim stadionima i dvoranama, u trgovinama i zanatskim radnjama, dok je smanjen broj prekršaja u ugostiteljskim objektima, vozilima javnog saobraćaja, u školama, školskim dvorištima i na ostalim mjestima.

Na području Kantona Sarajevo u periodu januar-juni 2021. godine održano je 845 javnih skupova (366 ili 76,4% više u odnosu na isti period 2020. godine). Policijski službenici Uprave policije proveli su planske aktivnosti za bezbjedno održavanje javnih skupova, a u 82 slučaja izvršeno je KDZ osiguranje.

SAOBRAĆAJ



U periodu januar- juni 2021. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj nastradalih lica.

Registrovano je 3.215 saobraćajnih nezgoda (739 ili 18,7 % manje), od čega su 2.862. sa materijalnom štetom (756 ili 20,9 % manje) i 353 sa nastradalim licima (17 ili pet % više).

U navedenim nezgodama 10 lica je poginulo (tri ili 42,8 % više), a 428 je povrijeđeno (četiri ili 0,9 % više), od čega 63 teže i 365 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
JANUAR – JUNI 2021./2020. GODINA

	2021.	2020.	uporedba	
			+,-	%
<b>UKUPAN BROJ SAOBRAĆAJNIH NEZGODA</b>	<b>3.215</b>	3.954	- 739	- 18,7 %
SAOBRAĆAJNE NEZGODE SA NASTRADALIM LICIMA	<b>353</b>	336	+ 17	+ 5 %
SAOBRAĆAJNE NEZGODE SA MATERIJALNOM ŠTETOM	<b>2.862</b>	3.618	- 756	- 20,9 %
<b>POGINULO LICA</b>	<b>10</b>	7	+ 3	+ 42,8 %
- vozači	<b>6</b>	5	+ 1	+ 20 %
- putnici	<b>2</b>	0	+ 2	-----
- pješaci	<b>2</b>	2	-----	-----
<b>POVRIJEĐENO LICA</b>	<b>428</b>	424	+ 4	+ 0,9 %
- vozači	<b>233</b>	232	+ 1	+ 0,4 %
- putnici	<b>116</b>	119	- 3	-2,5 %
- pješaci	<b>79</b>	73	+ 6	+ 8,2 %

U naselju su registrovane 2.932. saobraćajne nezgode (10 sa poginulim, 312 sa povrijeđenim licima i 2.610 sa materijalnom štetom), van naselja 283 nezgode (31. sa povrijeđenim licima i 252. sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO  
JANUAR – JUNI 2021. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	10	53	259	2.610	<b>2.932</b>	10	58	333
van naselja		5	26	252	<b>283</b>		5	32
<b>UKUPNO</b>	<b>10</b>	<b>58</b>	<b>285</b>	<b>2.862</b>	<b>3.215</b>	<b>10</b>	<b>63</b>	<b>365</b>

Prema kategoriji puta, saobraćajne nezgode registrovane su:

- na ulicama u naselju - 2.002. nezgode (sedam lica poginulo, 211 lica povrijeđeno),
- na magistralnim putevima - 484 (dva lica poginula, 97 lica povrijeđeno),
- na regionalnim putevima - 266 (37 lica povrijeđeno),
- na lokalnim putevima - 151 (18 lica povrijeđeno),
- na putevima koji se ubrajaju u kategoriju ostalih - 312 (jedno lice poginulo, 65 lica povrijeđeno).

Prema karakteristikama puta, saobraćajne nezgode registrovane su:

- na raskrsnicama u naselju - 453 (jedno lice poginulo, 76 lica povrijeđeno),
- na raskrsnicama van naselja - 102 (13 lica povrijeđeno),
- na pješačkim prelazima - 46 (20 lica povrijeđeno),
- na mostu - 22. (jedno lice povrijeđeno),
- na nadvožnjaku - pet (bez nastradalih lica),
- na podvožnjaku - dvije (bez nastradalih lica),

- u tunelu - jedna nezgoda (bez nastradalih lica)
- na putevima koji se ubrajaju u karakteristike ostalih - 2.584 (devet lica poginulo, 318 lica povrijeđeno).

#### POSLEDICE SAOBRAĆAJNIH NEZGODA

U toku perioda januar - juni 2021. godine, u saobraćajnim nezgodama na području Kantona Sarajevo nastradalo je ukupno 438 lica (sedam ili 1,6 % više). Deset lica je poginulo (tri ili 42,8 % više), dok je 428 lica povrijeđeno (četiri ili 0,9 % više), od čega 63 teže (17 ili 36,9 % više) i 365 lakše (13 ili 3,4 % manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA  
JANUAR –JUNI 2021/2020.GODINA

PERIOD	2021. GODINA			2020. GODINA			UPOREDBA 2021/20. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
<b>VOZAČI</b>	<b>6</b>	<b>26</b>	<b>207</b>	5	16	216	+ 1	+ 10	- 9
<b>PUTNICI</b>	<b>2</b>	<b>10</b>	<b>106</b>	0	11	108	+ 2	- 1	- 2
<b>PJEŠACI</b>	<b>2</b>	<b>27</b>	<b>52</b>	2	19	54	----	+ 8	- 2
<b>UKUPNO</b>	<b>10</b>	<b>63</b>	<b>365</b>	7	46	378	+ 3	+ 17	- 13

#### KATEGORIJE LICA POGINULIH U SAOBRAĆAJNIM NEZGODAMA PO OPĆINAMA

- Vozači - šest (Ilidža - dva, Centar, Novo Sarajevo, Novi Grad i Hadžići - po jedan),
- Putnici - dva (Stari Grad i Hadžići - po jedan),
- Pješaci - dva (Centar i Novi Grad - po jedan)

#### STEPEN POVREDA UČESNIKA U SAOBRAĆAJNIM NEZGODAMA

- Vozači : 233 vozača povrijeđena (26 teže i 207 lakše),
- Putnici: 116 putnika povrijeđeno (10 teže i 106 lakše),
- Pješaci: 79 pješaka povrijeđeno (27 teže i 52 lakše)

Starosna struktura nastradalih lica u saobraćajnim nezgodama je slijedeća:

- Ispod 6 godina - 11 lica,
- od 6 do 14 godina - 21,
- od 15 do 17 godina - 5,
- od 18 do 20 godina - 24,
- od 21 do 24 godina - 43,
- od 25 do 30 godina - 71,
- od 31 do 40 godina - 85,
- od 41 do 50 godina - 67,
- od 51 do 65 godina - 51,
- 66 i više godina - 38,
- Nepoznata starosna dob - 22 lica.

Starosna struktura nastradalih **vozača** u saobraćajnim nezgodama je slijedeća:

- od 18 do 23 godine - 25 lica,
- od 23 do 30 godina - 71,

- od 30 do 40 godina - 56,
- od 40 do 50 godina - 45,
- od 50 do 60 godina - 24 lica,
- 60 i više godina - 15,
- Nepoznata starosna dob - tri lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 2.700 (10 lica poginulo, 323 lica povrijeđena),
- neprilagođena brzina - 493 (94 lica povrijeđena),
- uticaj alkohola - 14 (11 lica povrijeđeno),
- nedostatak saobraćajne signalizacije - četiri (bez nastradalih lica),
- klizav put - tri (bez nastradalih lica),
- oštećenje puta - jedna saobraćajna nezgoda (bez nastradalih lica).

#### AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 87.713 vozila (12.287 ili 12,3 % manje).

Zbog kršenja propisa iz oblasti sigurnosti saobraćaja uručena su 80.863 prekršajna naloga vozačima (24.668 ili 23,4 % manje), podneseno 1.120 zahtjeva za pokretanje prekršajnog postupka (625 ili 35,8 % manje) i registrovano 47 događaja sa obilježjem krivičnog djela zbog ugrožavanja sigurnosti saobraćaja (tri ili 6,8 % više).

Zbog tehničke neispravnosti, iz saobraćaja je isključeno 155 vozila (23 ili 12,9 % manje), 748 vozača je zatečeno da upravljaju vozilom pod dejstvom alkohola (649 ili 46,4 % manje), 1.898 bez korištenja sigurnosnog pojasa (609 ili 24,3 % manje), 988 bez položenog vozačkog ispita (227 ili 18,7 % manje), 339 pod izrečenom zaštitnom mjerom (43 ili 11,2 % manje), 1.810 vozača je zatečeno da koriste mobitel tokom vožnje (81 ili 4,3 % manje), a 1.523 vozila su otkrivena da učestvuju u saobraćaju bez važeće registracije (4.191 ili 73,3 % manje).

#### MIRUJUĆI SAOBRAĆAJ I KONTROLA PJEŠAKA

Tokom prvog polugodišta 2021. godine, pripadnici Uprave policije su uručili 37.522 prekršajna naloga vozačima koji nisu poštivali saobraćajne propise prilikom parkiranja (353 više u odnosu na isti period prošle godine), upozorili 2.917 vozača (1.388 više), a specijalnim vozilom „pauk“ premjestili su 426 vozila (961 manje).

Takođe, pješacima koji su kršili saobraćajne propise uručen je 721 prekršajni nalog (84 manje), a upozorena su 484 pješaka (88 više).

#### ZAKONITOST U RADU

U periodu januar- juni 2021. godine registrovan je 21 napad (isto kao u uporednom periodu prošle godine) na policijske službenike MUP-a Kantona Sarajevo: 19 pojedinačnih i dva grupna napada. Napadači su u 10 slučajeva koristili fizičku snagu, u 10 slučajeva oruđa i druge predmete, a u jednom slučaju vatreno oružje.

Policijski službenici Uprave policije su tokom izvještajnog perioda u 11 slučajeva (15 manje) opravdano upotrijebili silu :

- Fizičku snagu i sredstva za vezivanje - osam puta
- Hemijska sredstva - tri puta

Tokom prvog polugodišta 2021. godine, razmatrano je 188 predavki na rad policijskih službenika. Nakon razmatranih predavki Odbor za žalbe građana Skupštine Kantona Sarajevo donio je zaključak da se za 84 predavke (17 više) provede unutrašnja istraga, za 70 predavki je odlučeno da se izvrše provjere i prikupi dokumentacija, za 32 da su neosnovane, dok je u dva slučaja predmet pripojen unutrašnjoj istrazi.

Od ukupno 188 razmatranih predavki, 128 je podneseno od strane građana, dok 60 predavki predstavljaju saznanja iz službe.

Okončano je 87 unutrašnjih istraga među kojima je 37 neosnovanih, 28 je bilo bez dovoljno dokaza, 16 je osnovanih, u dva slučaja istraga je zaključena ocjenom oslobađajuća, u dva slučaja stranka je odustala od žalbe, dok je u dva slučaja postupak obustavljen do okončanja krivične istrage.

## RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog perioda preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Službenici policije su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

U okviru koordinacije Rada policije u zajednici s vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- Učešće na Okruglom stolu Koordinacionog tijela za prevenciju, zaštitu i borbu protiv nasilja u porodici na temu „Multisektorska saradnja Kantona Sarajevo iskustva i izazovi epidemije“, u organizaciji NVO Fondacije lokalne demokratije,
- Prezentovan je program „Socijalizacija s pravom“, kroz učešće u televizijskoj emisiji „Polis“, u okviru projekta „TV SA mladima“, a koji po pitanju prevencije maloljetničkog prijestupništva predstavlja nastavak saradnje policije sa Ministarstvom za obrazovanje, nauku i mlade Kantona Sarajevo i nevladine organizacije „PH International“,
- Prisustvovanje i osiguranje održavanja ski-takmičenja na Babinom dolu za 80 dječaka i djevojčica u organizaciji skijaškog kluba „Bjelašnica“,
- Podržavanje kampanje koja se odnosi na pomoć osobama u problemu ovisnosti u smislu promocije besplatnog savjetovišta i telefonskog broja kroz promo materijale,
- Obilježavanje međunarodnog dana borbe protiv zloupotrebe droga i nezakonite trgovine drogama u kojem su policijski službenici Uprave policije posredstvom info pulta ispred BBI Centra uzeli učešće u realizaciji globalne Anti-drogs kampanje,
- Nastavljena je realizacija projekata „Program socijalizacije s pravom“, „Jačanje tužilačkih kapaciteta u sistemu krivičnog pravosuđa u Bosni i Hercegovini“ i „Cyberbulling“ u on-line modelu kroz održane radionice u osnovnim školama na području Kantona Sarajevo,

- Učešće na Internetnom događaju na temu „Podizanje svijesti i izgradnja efikasne komunikacije između policijskih agencija i jevrejske zajednice u BiH“, organizovanom od strane Ureda za demokratske institucije i ljudska prava (ODIHR), Misije OSCE-a u Bosni i Hercegovini i Svjetskog jevrejskog kongresa (WJC),
- Učestvovanje na manifestaciji „Auto Show“, organizovanoj u okviru „Akcije za bezbjednost na putevima“, koju na osnovu Rezolucije UN-a iz 2010. godine kontinuirano provodi Svjetska automobilistička organizacija. Učešće Uprave policije MUP-a Kantona Sarajevo na ovoj manifestaciji realizovano je kroz organizovanje info-pulta na kojem su policijski službenici prezentirali rad i opremu saobraćajne policije kao i Rad policije u zajednici,
- Održavanje online obuke na temu: „Anti-teroristički lokalni profil“ na kojoj su izlagani načini i smjernice za izradu i sprovođenje zajedničke procjene rizika i ugroženosti u Kantonima, kako bi se omogućilo pravilno prikupljanje, razmjena i korištenje informacija sa ciljem borbe protiv nasilnog ekstremizma,
- Održavanje radionice na temu: Rad policije u zajednici s fokusom na izazove u provođenju Zakona i primjene policijskih ovlaštenja u oblastima migracija na području Kantona Sarajevo, u organizaciji Ureda međunarodnog komiteta Crvenog krsta/križa u BiH.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, čime su preventivno djelovali na pojavu narušavanja javnog reda i mira prosjačenjem kao i činjenja krivičnih djela.

Takođe, nastavljeno je postupanje po naredbama Vlade Kantona Sarajevo vezanih za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakata sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

## MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima trenutno borave cca 1.723 migranata.

U periodu januar - juni 2021. godine migranti su učestvovali u 52 događaja sa obilježjem krivičnog djela (23 ili 30,7%) i to:

- ubistvo (čl. 166. KZ FBiH) – jedan,
- ubistvo u pokušaju (čl. 166/28 KZ FBiH) – dva,
- teška tjelesna ozljeda (čl. 172 KZ FBiH) – pet,
- lahka tjelesna ozljeda (čl. 173 KZ FBiH) – sedam,
- ugrožavanje sigurnosti (čl. 183 KZ FBiH) –jedan,
- silovanje u pokušaju (čl.203/28) – jedan,
- nasilje u porodici (čl.222. KZ FBiH) – jedan,
- posjedovanje i omogućavanje uživanja opojnih droga (čl.239 KZ FBiH-a) – pet,

- krađa (čl. 286 KZ FBiH) – šest,
- teška krađana naročito opasan ili naročito drzak način (čl. 287/b KZ FBiH) – dva,
- teška krađa u pokušaju (čl. 287. u vezi člana 28. KZ FBiH) – jedan,
- razbojništvo (čl. 289 KZ FBiH) – osam,
- razbojništvo u pokušaju (čl. 289/28 KZ FBiH) – pet,
- oštećenje tuđe stvari (čl. 293. KZ FBiH-a) – četiri,
- sprečavanje službene osobe u vršenju službene radnje (čl.358 KZ FBiH) - jedan
- napad na službenu osobu u vršenju poslova sigurnosti (čl.359 KZ FBiH) - jedan
- nasilničko ponašanja (čl. 362 KZ FBiH-a) – jedan događaj.

Zbog postojanje osnova sumnje da su učestvovali u izvršenju navedenih događaja policijski službenici Uprave policije MUP-a Kantona Sarajevo lišili su slobode 33 migranata, 28 je predato u nadležnost Kantonalnog tužilaštva Kantona sarajevo, tri su predata Službi za poslove sa strancima, a dva drugoj policijskoj agenciji.

U izvještajnom periodu, policijski službenici kontrolisali su 4.048 migranata, od čega 340 nije posjedovalo registrovani obrazac, 157 je upućeno službi za poslove sa strancima radi registracije, 91 je predat službi za poslove sa strancima, 522 su smještene u imigracione centre i nad 25 migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 30 akcije) na području Kantona Sarajevo, u periodu januar - juni 2021. godine, policijski službenici Uprave policije MUP-a Kantona Sarajevo pronašli su ukupno 3.377 migranata.

Odjeljenje za odnose s javnošću  
Sarajevo, 15.07.2021. godine